

Urbes.

Sunt porro in hac Nova Hispania insignes nonnullæ regiones, nempe nova *Galitia*, *Mechuacan*, *Mexico*, & *Guaſtecan*. Nova *Galitia* ab incolis prius *Xaliſco* vocabatur: quam primus detexit & acquisivit *Nunus Guſmannus*, qui in ea urbes aliquot fundavit, nempe *Compoſtellam* ubi ſedes Episcopalis & Conſilium Regium: *Spiritus S. Conceptionis*, *Michaelis* & *Gandalajaram* celeberrimam ac totius Regni Caput. Pertinet ad Novam *Galitiam* regio illa quæ *Culiacana* dicitur ab Vrbe hujus nominis. Iacet autem inter fl. *Piaſila*, & fl. *S. Sebaſtiani*, qui antequam in mare ſe exoneret, a terra abſorbetur. Metropolis Vrbs eſt *Culiacan*, ubi Hiſpani fundarunt Coloniam Domus *Michaelis*. *Mechauchan* regio ambitum habet xl leucarum, & ex opulentioribus ac fertilioribus eſt hujus Novæ Hispaniæ regnis: nam in ea Maiz ter matureſcit ſingulis annis, & alii etiam Fructus. Regio hæc duas continet Vrbes principales ab Hiſpanis cultas, in quibus vigent Mercimonia, nempe *Pafcuar* & *Valadolis*, quæ eſt Episcopalis ſedes, præter alias minus celebres. *Mexicana* regio cæteris non tantum Novæ Hispaniæ præſtat, ſed univerſæ etiam Americæ. Nomen ſumpſit ab Vrbe *Mexico*, quæ *Temiſtitlan* quoque nuncupatur. Metropolis eſt Provincia *Mexicana*. Hæc ſita erat in peramplæ paludis medio, antequam a Cortefio occuparetur, qui eam ad ejuſdem Lacus ripam tranſtulit: eſtque nunc optime fabricata, ambitum occupans ſex milliar. Ital. cujus unam partem Hiſpani inhabitant, reliquam vero Indigenæ. *Mexico* tantumdem ſonat atque fons & ſcaturigo: a primis fundatoſibus ſic appellata, ob ſcaturigines fontium varias quæ hanc Urbem circumdant. Hæc Vrbs præcipua erat ac nobiliſſima totius Indiæ, imo totius Orbis maxima, quam *Ferdinandus Cortefius* expugnavit anno c1510xxi. Hæc cum totius Imperii *Mexicani* Caput eſſet, ædium capiebat lxx millia. Regis quidem & Nobilium *Ædes* erant amplæ, commode & affabre exſtructæ: vulgi vero humiles & viliores. Reſident in hac Vrbe Archiepiſcopus, & Prorex, ac Tribunal ſupremum Novæ Hispaniæ. Eſt etiam in ea imprimendi ars & cudendi pecuniam. In Lacubus porro *Mexicanis* & circa eorum ripas jacent l. Opida, quorum quodvis, continet plus minus xcto domorum. Poſt *Mexicum* eſt *Tefcura* Vrbs ad ripam ejusdem Lacus, quæ amplitudine ſua *Mexicum* ipſum adæquat. Eſt etiam in hac Provincia *Angelorum civitas*, quæ prius *Vacipalam*, id eſt terra Serpentum, vocabatur, quæ Lanificio celebris imprimis eſt, cujus ager yallibus & paniciebus diſtinctus eſt, in quibus innumera armenta & greges aluntur, & magna Segetum ac Fructuum copia colligitur. *Guaſtecan*, regio Novæ Hispaniæ ad *Mare del Nort* poſita eſt. In hic Colonias Hiſpani habent, nempe *Panuco* & *D. Jacobi a Vallibus*. Poſtremo in Nova Hispania eſt *Tlaſcalan* Vrbs, quæ poſt *Mexicum* ſecundum tenet locum, eſtque valde populofa & opulenta & agro fecundo: Reipublicæ more gubernatur, ſub poſſeſſione tamen Hiſpaniarum Regis. Sunt in Nova Hispania Lacus multi, magna ex parte ita ſalſi, ut ſal ex iis conficiatur. Præcipuus is eſt, qui *Chapalicum*, *Mare* ob immenſitatem vocatur. Eſt & Urbis *Mexicana* Lacus. Sunt & in ea Fluvii quamplurimi piſcibus abundantes, quorum aliqui etiam auriferi ſunt. Inveniuntur etiam in iis Crocodili, quorum carnibus veſcuntur Incolæ. Eſt autem regio *Montibus* & rupibus aſperriſſimis reſerta. In Provincia *Mexicana* Mons eſt flammivomus, qui *Popocamepecke*

Lacus.

Flumina.

Montes.